

德慶鄉土

地理 歷史

志 參攷書副本

德慶鄉土歷史參考書

州人梁卓喬芬全編

第一課



德慶古百越地 據漢書地理志南越傳

唐虞時謂之南交 史記五帝本紀申命羲叔居南交 索隱曰南方地有名交趾者或古文略舉一字名地南交則是交趾不疑也

禹貢朔南暨錐指引水經葉榆水注云尚書大傳曰堯南撫交趾於禹貢荊州之南垂幽荒之外故越也 史記五帝本紀舜南撫交趾

在夏后時隸於揚州 禹貢導黑水至於三危入於南海錐指曰南海自揭揚以西至象林皆是

成周時謂之越裳國 鄭樵通志周成王時南荒越裳國以三象重譯而獻白雉成王以歸周公乃稱先王之神致以薦於宗廟

秦時變封建為郡縣遂隸於南海郡 史記南越尉佗傳秦并天下略定揚越置桂林南海象郡佗秦時用為南海龍川令至二世時南海尉任囂病且死被佗書行南海尉事 陸賈說佗道經錦石山 國朝屈大均廣東新語錦石山在德

慶州西高百餘丈一石狀天柱削成而圓旁有數大石若箕踞而坐然蓋自崧臺而西舟行三日夾岸皆土山縣互惟此石拔起若蓮莖上直聳旁無附麓麓漢大夫陸賈使南越從桂嶺取道於此施錦步障以登嘗禱山靈若佗降當以錦為報其後佗去帝號受南越王封與賈泛舟珠江溯牂牁而上賈因以錦裹山石不足植花卉代之徧岩谷間望若霞綉因名錦石山

漢置端溪縣漢地理志蒼梧郡莽曰新廣領縣十其一端溪顧祖禹方輿紀要端溪廢縣今為德慶州治

第二課

漢元鼎六年史記南越尉佗傳秦已破滅佗即擊桂林象郡自立為南越武王漢高帝定天下即而立之傳五世至武帝元鼎五年遣路博德楊僕征越六年南越平遂為七郡真鬱林日南合浦交趾集解徐廣曰南海蒼梧九

晉析端溪置元溪晉地理志蒼梧郡統縣十有端溪元溪建陵都羅武城按宋州郡志引太康地理志有元溪洪亮吉三國疆域志列其名或為孫吳所置然史無明文今仍繫於晉方輿紀要元溪廢縣在德慶州東五十里

晉置晉康郡。晉地理志分蒼梧立晉康新寧永平三郡。領縣十三。謂之晉康郡。宋州郡志晉康太守領縣十四。按宋州郡志晉康郡領縣有僑寧蒼梧郡又有僑寧徐志云大明以後僑寧改隸蒼梧晉康所領實十三縣耳。

唐置南康州。新書寰宇記皆作南康州舊書無南字。惟地志序中有之。按劉洎傳以洎為南康州都督府長史洎之歸唐在蕭銑降後銑之降在四年十月則彼時置州實有南字也。元和志唐會要以此為五年事。新書作六年。舊書寰宇記作四年。輿地紀勝引圖經亦作四年。王象之謂平嶺南建置州郡當在五年。

今從之。

改康州為晉康郡。見舊書地志寰宇記輿地紀勝。

宋開寶五年復析置康州晉康郡軍事。見宋史地理宋會要九域志輿地廣記。

紹興元年升康州為德慶府。李心傳建炎以來朝野雜記高宗以宣和三年十二月封康至靖康元年即位於南京故康州為潛邸從州民請升為府宋史地志宋會要通考並同。

洪武九年降府為州省端溪入德慶州領縣如故蓋端溪之名至漢至此始革。見明史地志明一統志方輿紀要。

神宗萬曆五年十一月，析州南晉康鄉及羅定高要新興地置東安縣，析州西南都城鄉及羅定封川地置西甯縣，皆割隸羅定州。於是江以南地始盡析。見明史地志。

國朝雍正八年，封川開建二縣，改隸肇慶府。見一統志。

第三課

州舊無城。顧祖禹方輿紀要。

建築。州志：州城東北隅，基相傳舊有一潭，洪武時重建城，屢築不固。州人梁文祐妻陸氏，治園得一金盤，文祐捐擲潭中，嗣後漸涸，城得堅築。諺云：若無梁文祐，難城德慶州。光緒十四年修。

城城下古磚，尚有梁文祐字。

第四課

劉瞻政平訟理。劉瞻字幾之，唐咸通十一年，以中書侍郎同平章事，同昌公主薨，懿宗捕太醫韓紹宗等，送詔獄，逮繫宗族數百人，瞻喻諫官，皆依違，莫敢言，因自上疏回爭。新唐書本傳。

帝閱疏，大怒，即日罷相位，充荆南節度等使，再貶康州刺史。舊唐書本傳。政平訟理，民甚德之。府志。再貶驩州司。

戶僖宗立，二月，遷刑部尚書。通鑑。

劉燭大修學校。劉燭字晦伯，受學於朱熹，呂祖謙。乾道八年，舉。

進士、差知德慶府、大脩學校、奏便民五事、又奏罷兩縣無名租、錢糾集武勇民兵、宋史參明統志、祀名宦、舊志

孫彬舉賢興學、孫彬、洪武二十三年、由人材知州事、以德化民、舉賢才、興學校、適歲旱、民饑、選富民蓄積、令貸、民賴得所、陸志、阮通志、引黃志、祀名宦、舊志

徐行臨學誨徒、徐行、字同倫、永樂三年、以監察御史、左遷州判、官學優才、瞻有守、有為、興利除害、德威並濟、政暇則臨學校、誨生徒、士民戴之如父母、祀名宦、舊志參陸志

周冕脩城興學、周冕、字尚文、正統初、知州事、莅事簡而不略、治

民嚴而不苛、明而能斷、修城池、興學校、奸民斂迹、良善獲安、

陸志參阮通志、引郝志、祀先正祠、舊志

沈有嚴徙學建塔、沈有嚴、字士莊、號震陽、萬曆二十七年、任州事、為政知所先務、嘗徙學建塔、諸所廢墜、一切具舉、務以正德、厚生為本、祀名宦、舊志參郭斐復建學宮記

管滄鼎新大成殿雲章閣、管滄、字明雍、成化末、知州事、體察民情、禱雨有應、洪潦殃民、捐資賑糶、存活者眾、閭閻德之、陸志、阮通志、引郝志、與州判莊楷鼎新大成殿雲章閣、參莊楷傳、祀名宦、舊志

黃廣均徭賦招逃民。黃廣字文濤，永樂六年由監生歷官遷知州事，政有條理，興學校，均徭賦，招逃亡，減除鹽鈔。陸志：民賴其惠，雖徭人之強梗者亦聽其撫，萬民悅服。黃通志：名宦，舊志。

第五課

饒崇秩捐俸修學。饒崇秩字抑若，順治十二年時地方初定，盜賊滿山谷，崇秩運籌畫策，次第撲滅，尤加意士類，常捐俸一百五十兩，貲備修學，後卒於官。舊志。

秦世科修葺書院，撥置膏火。秦世科，順天大興人，康熙五年夏

四月，悅城賊起，世科單騎入賊壘，撫平麥鼎楊等數百人。譚志紀事：兵燹後，州中壇廟，解署書院，皆就傾燬。世科倡捐修葺，為書院撥置膏火田租，不憚經畫。舊志。

楊瓚坐講席，文風丕變。楊瓚，山西聞喜人，乾隆四年十二月知州事，清剛正直，進士禮賢，振俗維風，民懷其德。乾隆六年去官，僑居州城，不受私饋，有載酒問學者，咸樂應之。州人士開綠猗園，屈坐講席，教育六年，文風丕變。同籍日州人拜送填途，刊錦江留別集一卷。州志。

何世琬朔望載酒詣書院課文。何世琬，乾隆十三年署州事，廉

潔愛民尤愛士朔望必載酒詣書院義學課文清理詞訟巡緝
奸宄並實心竭力不憚勤勞 府志

吳贊誠戎馬倥傯論文不輟 吳贊誠字春帆安徽廬江人拔貢
生咸豐七年署州事時紅匪陷潯梧賊舟西下不時緝騷州經
蹂躪瘡夷未復贊誠至則外募堵擊內起鄉團設烽瞭於大旂
山民恃無恐六月提督崑壽剿賊敗績於州城東龍母廟前八
年復整師西上贊誠先於企嶺口築礮臺扼賊吭師因得利梧
城頓復悅城榮村諸賊皆贊誠平之贊誠性明介忠信而愛人
軍書旁午千言立就戎馬之暇與諸生論文不輟數籌興革瘡

夷之後民賴保聚莫不愛吳使君光緒十一年詳請祀名宦格
於例不果行

譚桓增輯州志

譚桓知高要縣有賢聲州人羣請借攝康熙十

一年署州事逃民襁負來歸者甚眾州被安靜之澤嘗增輯州
志 舊志

王基鞏均糧減役招集逃亡 王基鞏例監生康熙二十八年任

州事性強毅能執法然慈惠愛人在任均糧減役招集逃亡寓
撫字於催科夙逋悉為釐楚嚴禁服毒民不輕生平糶振饑均
沾實惠延師掌教戶有絃歌撫戢醜黨闔境帖然 舊志

第六課

冷應激禽峒獠 詳見第九課 又應激奏罷抑配鹽法後為馬

步軍都總管卒於家 宋史本傳 祀名宦 舊志

王良奪盜舟 王良字士純至正十年以萬戶來守時江水暴漲

民多墊餒良惻然出廩振之寇襲城迎擊奪其舟以歸平居恂

恂雅飭延禮賓儒撫綏兵民威德著聞楊鑄撰政績碑紀其事

陳文仲禦西寇 詳第十一課

周文煥殲歸寇 詳第十二課

張岳討山獠 詳第十三課

鄧孝廉改定輸租數 鄧孝廉字清臣建炎三年進士以朝散郎

俸芻改知德慶府往時歲租倍取民不堪命孝廉定輸數以示

民民樂歌之 府志

劉燭奏罷無名租錢 見上第四課劉燭大修學校下

冷應激奏罷抑配鹽法 見本課冷應激禽峒獠下

黃廣除鹽鈔 見上第四課黃廣均徭賦招逃民下

羅鶚除火耗 羅鶚號近雲萬曆十四年知州事除火耗杜苞苴

愛民禮士 舊志參梁崖州學新開泮池記

陳益謨除飛糧 陳益謨萬曆三十一年以府通判署州事先是

萬曆九年清文州田胥吏飛糧加派及益謨至洞悉民隱乃獻議於大府請除之共除浮糧二百三十石。據譚志事紀補。李春叟常辨冤獄。李春叟字子先除肇慶司理常辨冤獄後除德慶教授。舊志。

黃翼登嚴服毒圖害之禁。黃翼登天啟時任州事催徵有法潔己愛民一時好義樂輸者甚眾尤嚴服毒圖賴之禁重輯州志舊志。

第七課

秦世科單騎降賊。見上第五課秦世科脩葺書院撥置膏火下。

郭子儀單騎見虜。郭子儀華州人回紇圍涇陽子儀往說之與數騎開門而出傳呼曰令公來諸酋相顧曰是也皆下馬羅拜子儀執酒酌地與之盟而還。唐書。

田幼安禽賊有功。崔苻潛跡。田幼安康熙六年署州事在任禽賊有功至今地方寧謐崔苻潛跡咸頌德不衰。舊志。

虞詡令朝歌。虞詡字升卿朝歌賊起以詡為朝歌長故舊皆弔。詡曰不過樂根錯節何以別利器乎到官設令三科以募壯士賊由是駭散。漢書。

吳贇誠抗西江之寇。見上第五課吳贇誠戎馬倥傯論文不輟。

下

岳武穆朱仙鎮之戰。岳飛字鵬舉，兀朮有勁軍，皆重鎧，貫以韋索，三人為聯，號拐子馬。戰於郾城，飛戒兵卒以麻札刀入陣，勿仰視，斫馬足，遂大敗之。進軍朱仙鎮，距汴京四十五里，與兀朮對壘而陣。遣驍將以背嵬騎五百奮擊，大破之。飛謂其下曰：直抵黃龍府，與諸君痛飲耳。會秦檜議和，一日奉十二金牌，遂班師遇害。諡武穆。宋史。

李育熊捐俸振濟。李育熊，康熙四十八年任州事，性慈惠，斷事嚴明。歲饑，捐俸振濟，多方勸施，穀米活民無算。復脩建文廟，戰

門兩廡，去官日，士庶攀轅，有呼父母而流涕者。阮通志參舊志職官。

鄔大沛署券借穀。鄔大沛，江西人，康熙六十一年任州吏目，在官廉潔，治事明敏。雍正四年歲饑，上官欲請詳院司，始發倉賑濟。大沛以為俟檄文至州，則民填溝壑矣，力請不得，乃勸輸於富戶，不足，又署券借穀若干以賑，全活甚眾。六年告政回籍。舊志。

徐志培倡捐施賑。徐志培，雍正二年任州事，居官愷悌，廉明多著政績。四年歲歉，倡捐施賑，一時慕義者甚眾，全活萬餘。志培

不自有其功，具情上聞，給扁旌，勵未幾，調任欽州，籲留不允。至今州人懷之。舊志。

柯玉齊，平糶分給。柯玉齊，雍正八年任州吏目，慈祥愷悌，潔已奉公，每遇平糶，計程按戶，逐口分給，澤流窮黎，後以憂去，士民請州牧楊瓚書事勒碑誌遺愛焉。舊志。

第八課

張安鼎之聽訟 州志

第九課

冷應激 餘見第六課 隆興府屬江西省

第十課

趙師旦 字潛叔，輿地紀勝誤作叔潛，其先單州武城人，後徙

楚州山陽，王安石撰墓誌見臨川文集，樞密副使稹之從子。

按墓誌云：用叔祖廕入官，則稹之從孫也。宋史誤。

儂智高破邕州，順流東下，忠義傳參畢沅續通鑑。

師旦聚兵三百人與賊血戰，呂頤浩然魏雜錄，師旦與押衙

馬貴，部士卒固守，召貴食，貴不能食，師旦獨飽如平時，至夜貴

臥不安席，師旦即臥內大斲，墓誌忠義傳。

第十一課

拜任禦寇事見州志及阮通志

陳文仲李質禦寇事州志府志阮通志並同

第十二課

陳琚禦搖寇 州志明王守仁登陳州判文往歲羅旁綠水諸賊為地方患害安靖地方殫心竭力盡忠國事人皆知之然其時百姓雖稍賴以寧而各賊之不肆其兇虐者嫉恨日深其後不幸判官與李松竟為賊首趙木子等所害以忠受害心事未由表白連年官府亦欲為之討賊雪恨然以地方多事之故又恐鋒刃所加玉石無分濫及良善是以因循未及進兵今賊首趙

木子等已為該道官兵用計擒獲明正典型松與判官之忠勤益用彰著已特遣官以趙木子等各賊首級祭告於李松之墓矣今復遣南甯府衛官祭告於判官之墓死而有知亦可以少泄連年忠憤不平之氣也夫

周文燠 府志誤作漢

第十三課

張岳討平搖寇 州志參封川志

第十四課

賊掠南鄉富祿儒林 州志露之始至也積雨壞城垣逆徒相與

窺伺人皆危之露身先畚築民咸子來頃刻城完民心頓安未
幾為蜚語所中罷官嘗至四會賑饑民德之今德慶四會立祠
祀焉

第十五課

明史凌雲翼傳

羅旁徭賊事詳第一課又銘云繫彼天柱實砥牂牁萬里南
瀆至此無波效靈漢室臣服王佗蠻椎大長罔敢稱戈大夫奉
使來指山河梅關撫節桂嶺鳴珂肅心致禱步障婆婆既刑白
馬遂表青螺蒲桃宮錦覆布岩阿植花代錦五采毘陀木棉烽
火石乳酥醃班雕容與蠻女謳歌存神過化精爽相摩全裝寶

劍留與煙蘿頻消越霸永去秦苛一峰鼓舞五嶺包羅金標共
峙銅界誰過舟乘青雀潭浮白鷺來斯秩禮牲醴孔多山神獻
異奇畜紛葩果騮雙脊魚翠千窠一羣馬鹿三尺雞駝收香作
室吐綬爭柯綠毛倒掛清響相和狸呈玉面蝶弄脩蛾瘴消青
草煙墮紅荷芙蓉九疊為爾峩峩西南作鎮奠此江沱絲漢迄
明岩岩瞻爾神廟初年徭蠻蠢起助賊凶威妄遭讒毀大藤既
誅永清瀧水建縣東西開疆千里惟爾之功盤弧披靡花角洞
奠白衣山子刀祝咸輸黃龍永矢藤弦響絕銅鼓聲死水角羅
旁險隘無比汝作塞門咽喉扼彼萬障盤迴九峯綱紀蒼翠如

濡雲霞有喜錫名華表大書山史字握丹砂摩窠誰似玉表岩
岩翠屏几几削成四方茫無首尾崧臺為終都嶠為始羅定之
宗所宜禋祀竝為漢臣築宮其址重貺山靈十葩萬藥以薦大
夫以惠士女

溫承恭錦石山記略康州當嶺西之衝據南海上游地名深水有
錦石山距州城四十五里俯臨牂牁江向傳漢文帝時陸賈說
趙佗佗與賈泛舟石下賈禱於石願得佗臣漢以錦裹之後佗
去帝制黃屋左纛賈因栽黃花當錦以裹石故得是名世傳是
言蓋誇賈之禱石有神訛以傳訛所以歷數千年而人皆共信

也夫佗雄才大略智勇過人自立為南越武王早有不肯降漢
之意故高帝前使賈授佗璽綬佗雖受命而立織為南海王遙
奪他郡佗終拒織不得王則高祖之威之力之才佗固未肯以
雄心屈也文帝威力才能不及高帝佗忽奉詔即去帝號蓋心
服文帝之德耳奚藉山靈而後覺悟趙佗哉世人不本於漢文
德服趙佗好假神異以為賈禱此石所致嘖嘖於錦石之名吾
恐後世之主偶為所惑將圖霸者亟創陳寶之祠爭王者私立
符堅之祀謬托神物謂海內可一遠國可撫迷罔日以興矣夫
中州端附梁武先見於夢土田增廓號公先聞於神其後卒皆

無驗。國家席卷天下，包舉宇內，鬼神豈易得而私之。然則賈之禱石，其有無未可知，而謂一石之靈，遂能使佗載其雄才，委命下吏，不煩一兵，不折一矢，頓舉百越之地，入漢封疆，吾恐天下無是理也。

袁枚小倉山房詩集 詠藤鼓有云：羅旁水口眾獠賊，乘此渡河。民驛騷前朝制府凌雲翼，剪去渠魁掃萌蘖。

羅定黎耀宗聽秋閣詩鈔 藤鼓歌相傳藤產羅旁東，頭在峽上，身水中。又云：江邊况有石千疊，倚為聲援互應接。猱猱似鬼呼將軍，巡邏如人作間謀。桓桓仗鉞都御史，雍其名者韓其氏。截

藤三段製鼓形，分布諸州情所應。妙用羣推厭勝術，吾鄉所置亦其一。端州舊志多未詳，歎息當初孰秉筆。

第十六課

晉康徭亂 據州志參天下郡國利病書，羅定志，阮通志，西甯志。

第十七課

瀧水徭亂 明史王翱傳，天下郡國利病書，參州志，羅定志，西甯志。

第十八課

流賊入城 據府志，州志，參郡國利病書。

第十九課

賊掠金林悅城

州志府志參陳天華征徭疏

第二十課二十一課二十二課

參考州志

第二十三課

悅城賊起 參考粵東陳坤勦匪紀略

第二十四課

紅巾賊陷州城

據勦匪紀畧參高要續志廣州志蒼梧志袁梓

貴小潛樓日記李光廷詩義堂詩譜溫鳳書封川紀事錄

第二十五課

悅城圍練擊敗西賊 據州志

第二十六課

圍練復州城

據州志參高要續志小潛樓日記粵東勦匪紀略

彭泰來昨夢齋集

第二十七課

州城陷旋復

據州志參高要續志小潛樓日記粵東勦匪紀略

彭泰來昨夢齋集

第二十八課